

Haecenus incurfus tanti excepere Tyranni.  
Crede mihi, nos si subigat, nihil abfore, ducit,  
Quin omnem Europam penitus sua sub juga mittat.  
Te quoque bellipotens Mahometis dextera Romam  
(Ne dubita) & sanctam quærit detrudere sede.  
Et cessatis adhuc? nec quisquam publica pensi  
Damna habet? aut fessis tentat succurrere rebus?  
O stupor! ô fatale malum! ô opprobria foeda!  
Quod per ego dextram te hanc & fumantia charæ  
Excidia Europæ rogo, rerum consule summæ.  
Devinci populos socialis fœdere nexus,  
Ut tandem furij surgat Germania justis  
Gallusq; Hispanusq; ferox atq; Itala tellus,  
Et penitus toto divisa Britannia mundo.  
Durum vis aliter nequit ulla retundere Turcam.  
Me juvet ô tantis ductorem adjungere rebus,  
In casus vadet nemo me audentior omnes,  
Qui Martis terrorem inter pugnaeq; labores  
Sublatus, vigui assiduo certamine miles.  
Est heic est animus lucis mihi spretor & hostis  
Turcarum, & vel mille animos si fata dedissent,  
His Thraci instarem, captæq; opprobria vitæ  
A patriâ arcerem à templis arisq; Deorum.  
Sancte Pater, socia arma para, & succurre relicto,